



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 3. De Discipulis ad parandam coenam missis.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO III.
DE DISCIPVLIS AD PA-
RANDAM COENAM MISSIS.

PVNCTA MEDITATIONIS.

I. *Primo die azymorum, Petro ac Ioan-* Mat. 26
ni dicit: Euntes parate nobis Pa- Luc. 22.
scha, vt manducemus.

II. *Quærentibus vbi vellet parari? dat il-*
lis signum, vt sequantur hominem,
aquam baiulantem, dicentes Patri-
familias: dicit Magister, apud te
facio Pascha cum discipulis.

III. *At ille ostendit eis cœnaculum ma-*
gnum stratum, ibique pararunt, ac
IESVS Matre in Bethania relicta fa-
cto vespere discubuit cum duodecim.

FIGVRÆ.

SAVL cum socio dum quærit Samue- I. Reg. 9.
lem, occurrit in ipso vrbis ingressu
pueris exeuntibus ad hauriendam aquã,
à quibus didicit, quo loco esset Samuel,
qui vtrumque eo die solemnè adhibuit
conuiuio.

Eliezer missus à domino suo Abraham Gen. 24.
ad

ad inquirendum Laban, in vrbs ingref-
fu occurrit Rebeccæ; ferenti in humeris
lagenam aquæ; quæ inuitauit eum in do-
mum patris fui, locum dicens esse ibi
spatiosum, cum omnibus rebus ad habi-
tandum necessarijs.

Tob. 10. Anna Tobix mater, cum filio, in lon-
ginquam peregrinationem iussu patris
abituro, valedixisset, cœpit flere & dice-
re: baculum senectutis nostræ tulisti, &
transmisisti à nobis.

DOCUMENTA.

1. **Q**VI in illis rebus obedientiam præstant
in quibus iustis de causis ab obedien-
tia liberi erant, idque vt alijs exem-
plum præbeant, tãto maiore sunt virtute præ-
diti, quanto sunt Christo similiores; qui cum
nulla lege teneretur, vt tamen nobis exem-
plum relinqueret, voluit se sponte legi subij-
cere.
2. In rerum externarum angustijs, non ni-
mia est capienda sollicitudo, sed Deo fidendum,
illudque cogitandum, si modo nos illi fideliter
seruiamus, & ante omnia regnum Dei &
gloriam eius quæremus, fore, vt ille non de-
sinat necessaria nobis curare. Quemadmo-
dum Christo, tamen si nullum apparatus fe-
cisset ad Pascha, omnia tamen ad tempus præ-
sto fuerunt.
3. Misit Christus Petrum & Ioannem, ad pa-
randum Pascha. Petrus bonam actionem, Ioan-
nes deuotam significat contemplationem. Sic
nos si cupimus dignum parare in anima lo-
cum, quo corpus Christi in Sacramento acci-
piamus,

piamus, præmittere debemus virtutum actiones cum deuotis orationibus.

4. Domum, quam Christus ad celebrandum Pascha erat ingressurus, prius ingreditur homo, portans lagenam aquæ: vt intelligamus, cum in SS. Sacramento Dominum recepturi sumus, lauandam prius purgandamque animam, aquis lacrymarum & contritionis de peccatis.

5. Si cupimus, vt Dominus noster in corde nostro hospes esse dignetur, efficiamus ex illo cœnaculum grande, stratum grande: per magnitudinem fidei, amplitudinem spei, charitatis latitudinem: stratum varietate virtutum omnium.

6. Cum Christus Patris mandato vocaretur, vt Hierosolyman ieret ad crucem, discessit Bethania, relicta Matre, amicis, & omnibus quæ apud illos iucunda esse possunt. Sic nobis, cum vt diuinis præceptis obediamus, itemque sanctis inspirationibus, si quando nos Deus vocet Hierosolyman, id est, ad visionem pacis, ad statum scilicet perfectiorem, vbi vera est pax; abijciendus est omnis affectus & respectus humanus: relictis enim parentibus, amicis, atque omnibus quæ mundo grata sunt, currendum est alacriter, ad amplexandam cum Christo crucem obedientiæ.

7. Parentes & amici Christi Bethaniæ erant, quod domum afflictionis significat: at verò hostes & crux Hierosolymanis, quæ est visio pacis: quo latenter indicatur, inter parentes, mundi voluptates, nihil nisi molestias Spiritus inueniri, & per crucem è contra persecutionum & afflictionum, recta iri ad veram & perfectam pacem.

MEDI-